


Хуфтон ва Бомдод намозларини жамоат билан ўқиш



18:00 / 03.10.2021 4335

نَمَّوْا قِمْلَسَو هَوَّلَعُ هَلَلَا لَّصَّيْبِنَّا نَعُ ، هَوْنَعُ هَلَلَا يَصْرَرْنَا مَشْعُوعُ نَعُ -
خَبَّصَلَا لَّصَّوْ نَمَّوْا لَّيْلَلَا فَصَنَّ مَاقَا مِّنَّا كَفَّعَامَجَّ يَفَّعَاشْغَلَا لَّصَّوْ
يُذَمَّرْتَلَاو دُوَادُ وُبَّأُو مَلْسُ مَ هَوْرُ هَلْكَ لَّيْلَلَا لَّصَّوْ مِّنَّا كَفَّعَامَجَّ يَفَّ
نَمَّوْا لَّيْلَلَا فَصَنَّ مَاقَا هَلْ نَاكَ عَامَجَّ يَفَّعَاشْغَلَا دَهَشَّوْ نَمَّوْا : اَمَّهْطَفَلَاو
لَّيْلَلَا مَاقَا هَلْ نَاكَ عَامَجَّ يَفَّعَاشْغَلَاو عَامَجَّ يَفَّعَاشْغَلَا لَّصَّوْ

Усмон розияллоҳу анҳудан ривоят қилинади:

«Набий соллаллоҳу алайҳи васаллам:

«Ким Хуфтон намозини жамоат билан ўқиса, худди туннинг ярмини ибодат билан бедор ўтказгандек бўлади. Ким Бомдод намозини жамоат билан ўқиса, худди туннинг ҳаммасини намоз ўқиб ўтказгандек бўлади»,

дедилар».

Муслим, Абу Довуд ва Термизий ривоят қилганлар.

Охирги иккисининг лафзи қуйидагича:

«Ким Хуфтон намозига жамоат билан ҳозир бўлса, кечанинг ярмини бедор ўтказгандек бўлур. Ким Хуфтон ва Бомдодни жамоат билан ўқиса, кечани бедор ўтказгандек бўлур».

Шарҳ: Бу ҳадиси шарифда Хуфтон ва Бомдод намозларини жамоат билан ўқишга алоҳида тарғиб қилинмоқда. Чунки бу икки намоз кишилар дам олишни, ухлашни хоҳлайдиган вақтларда бўлади. Ана ўша хоҳишларни енгиб, Хуфтон ва Бомдод намозларини жамоат билан ўқиш кечани бутунлай намоз ўқиб ўтказишнинг савобига тенглаштирилмоқда.

Бу маъно Абу Довуд ва Термизий келтирган лафзда яна ҳам аниқроқ қилиб айтилмоқда:

«Ким Хуфтон намозига жамоат билан ҳозир бўлса, кечанинг ярмини бедор ўтказгандек бўлур. Ким Хуфтон ва Бомдодни жамоат билан ўқиса, кечани бедор ўтказгандек бўлур».

Шунинг учун ҳам ҳаммамиз бу икки намозни жамоат билан ўқишга ҳаракат қилаверишимиз керак.

«Ҳадис ва ҳаёт» китоби асосида тайёрланди